

Abonnement pour un an

300 piastres

Edition spéciale 500 piastres

Adresse:

"IDJTIHAD", Constantinople

Téléph. St. 865

XXIème ANNÉE

15 Janvier 1926 — No 496

الجهاد

IDJTIHAD

علمی ، ادبی ، اقتصادی مجموعه

آبونمان : سنه لکی [۲۴ نسخه]

تورکیا ایچون ۲ ، خارج ایچون

۳ ، اعلا کاغذلیسی ه لیرادر .

اداره خانه سی :

جنال اوغلنده «اجتهد نهوی»

تلفون : استانبول ۸۶۵

یکرمی برنجی سنه

نومرو ۱۹۶-۱۵ کانون ثانی ۹۲۶

عصری قانونلر تدوین ایدیلورکن

حقوق فکری اجمالی برتحلیل ایدلم : حقوق خارجی نك
حریتك اجتماعی توزیعنده تلاقی نقطه سندن دوغمش حق
و وظیفه بی جامعدر . شو حالده حقوق تمامیه حریت خارجیه
مالیدر . بونی دوغوران بشر جمعیتدر ومولودی اوزرنده
عام بر ولایت مالکیتی دولتی ، وظیفه فکری ده حکومتی
یارا تمشدر .

بزم حقوق زده بر اجمالی نظرله باقنجه واصل اولد یغمز
نتیجه شودر : بشرک دنیوی و اخروی سعادت تأمین
ایدن [قواعد مکتوبه سهاویه] نك امر و نهی ایتدیکی
حقدر . بوحق حریتله هیچ آ کلا شادانی و حریت داخلیه -
طبیعت و خلقت خلافه تأیید قوتی قویدینی ایچون - منبعی
معنوی و اخرویدر . بونده حق فکری اقییاددن عبارت
قالمشدر . قارشوسننده مقدراً وظیفه دکل « تکلیف »
واردرکه شو حالده حق ، آمرله مکلف آراسنده دینی بر
تلقیدر . زیرا بوراده حق و عدالت فکری عینیه بر
عبادتدر . عبادت ، بشرک دنیاده کی رفاه و سعادت استهداف
ایتمز . دوغریدن خالقه یارانمق غایه سنی کودر ایشته
فرق بوندهدر .

شو حالده کنج جمهوریتك واضع قانونی تورک اجتماعی
هیئتك یوکسک سسله باغیردینی احتیاجلری تدقیق ایدرکن
ماضینك بتون بو طور دیران ، پس زنده موضوعه لرندن
صیری لارق مقولات ذهنیه سنی بوشالتمه مجبوردر .

حقوق هم حرثی ، هم مدنیدر . یعنی هم ملی هم
بین المللدر . حرث بر ملتك اجتماعیتنده بارز اولان دینی ،

سابق ادرنه مبعوثی محامی محمد شرف بك
محیمز طرفندن مجموعه سزمه ، تام زماننده ،
کونده ریلن بو مطالعه حقوقیه بی متشکراً
درج ایدیورز :

بورک اجتماعی هیئتنده حقوق تلقیسی بو کونه قدر
غیر اجتماعی و غیر طبیعی ایدی . ذاتاً موجود بتون قانونلر
هیچده تورکک اولمایان قدیم موضوعاتدن ، باشقه حرث
وتهذیه مالک باشقه ملیتلك پك باشقه باشقه اساسلریوللردن
تأسیس ایتدکلری شیرلدندی که بزده جبری تطبیق یوزندن
جانلی و فیاض اثرلر میدانده کتیره مدی .

بو حقوق تورکک ملی شعور و دهاسنك مالی اولسایدی
دولتده عصری تکمللری ، حکومتده مسلکی ولایتلری ،
عائله ده پایدار رابطه لری تکمالک یارایچی قدرتیله شیمیدی
قدر چوقدن میدانده کتیرمسی لازم کلیدی . حال بو که
بو کون بویله میدر ؟

حقوق تمامیه اجتماعی بر مؤسسهدر . بزده ایسه حقوق
تمامیه دینی بر مؤسسهدر . حقوق فرقسز لادینیدر .
بزده ایسه حقوق عیناً عبادت و آیین صیراسنده بر تلقیه
مظهر اولمش لاهوتیدر . حقوق فکری بشری اولدینی
قدر جمعیتك سیر اجتماعیسنی تعقیب ایدرک یورور . بزده
ایسه دینی و اخروی اولمق اوزره دائماً حال توقفده بولندینی
ایچون بشرک یورون حیاتی هپ کندی چرچیومه سی
داخلنده طومتق ایسترکه بودائماً بر بریله معارضه ایدن بری
متعرض بر قوت ، اوته کی فیلامق ایستهین متجاوز بر
قدرت شکننده چاریشوب طورورلر .

اخلاق، بدیعی، حقوقی، اقتصادی کبی حیاتلرنده لصوق قسرتیدر. بونک مجموعی ایچون تکنیک - آلی - بر اصول یوقدر. اونک منبئی ملتک شعور و وجدانیدر. اوته طرفدن حقوق مدنیدر. یعنی بر ملت ساده کندی حرثی اورتاسنده قانوب قالاماز. مدنیتله، دیگر حرثلر مالک ملتله تماس ایدر. بونقطه دن حقوق بین المللدر بو ایسه حقوقی اصول واسطه سیله و فردی اراده لرله تدقیق ایتمک یولنی میدان کتیرن علمدر. ایشته بونی حدسله سزن و علماً تقویه ایدن حقو قیدر. آسیائی اقوامده حقوق، الهی منبیده قالمشدر. آوروپائی قوملرده تکاملک یاراتیجی سیرینه تبعاً آدیم آدیم الهیلکدن صیریلاق ناسوتیلکه دوغرو یورو مشدر. بوکون آوروپائی ملتلرده آنغلو صا قسون، جرمن، لاتین ملتلرینک حقوقی تلقیلری فائده و اقتصاده، قوت و اقتصاده، مساوات و حریت دایانیر.


غرب حقوقی دیمک عصری حقوق دیمکدر که اونده کی اساس دائماً بشر جمعیتک تکمل ورفاهیدر. بزده ایسه حقوق ذهنیتی ملی ذهنیت اولمادیکی کبی تاریخ حقوقیرینه محکمت و متشابهاتی، دلائلرله، دینی امر ونهی وداها بر چوق الفاظ و حروفک نه معنایه موضوع اولدیغنی اوکره نن «اصول فقه» او قومق یوزندن تورک کنج حقو قیلری شاشیرمش قالمشدر و اساساً حقوق فاکولته سنک درسلیرینه باقنجه انسان بو ذهنیه درحال انتقال ایدر. حالا یونس خوجا قالین و جهنمی روحیه آرا مزده حکم سوروب طور مقده در.

عدالتک کامل معناسی، ملی اراده نک حقوقی عمده لری حریت و مساوات اساسنه کوره تطبیق ایتمسندن عبارتدر. حالبوکه شیمدی یه قدر بزده حقوق عصرلر دنبری تورک حیات و ذهنیتنه استیلا ایدن قرون وسطائی قواعد مجموعله نک حقوقی لفظ او یونجانی تلقی ایله یین و موضوع بر قاعده یه شائیتی اویدورمغه چالیشان بر «دوشونمه اینان و ایناندیغکده بنم امرایتدیکم اولاجقدر» امر مستبدانه سنک محصولیدی. بونک اساسی حافظه یه آلنان قواعدی تکرار لامقدن عبارتدر. حقیقی آرامق یولنده علم علم ایچوندن فیضیه

یورومک یوقدر. بلکه حقیقت اولارق اولجه بولنش اولانلری متصل و مسلسل توثیق ایده ایده کیتیمک بزده «علم» تلقی ایدلمشدر. ایشته «فقه» بودر. اونده فردی اراده نک جهدیه حاصل اولمش علمک نتیجه سی اولمادیکی کبی بشرک اک ممتاز و مستثنی بر بدیعه سی اولان دوشونمک خاصه سنکده تأثیری یوقدر. فقهده انسانلغک اک یوکسک ذوق و شهامتنی کوسترن «بنلک» دن اثر یوقدر. بلکه اسکی قواعدی ازیرله مک، قوه یه آلمقله مشغول اولارق مفکره یی اولدیرمک واردر. تابیلیم قاچ بیک ییل اول فلان یرده قالان امامک بر حادیه ایچون سویلیدیکی بر «قول» ی بلله یهرک بوکونکی حیات مزده تجلی ایدن برشائیتی اوکا تطبیق ایتمک... ایشته حقوق و حقو قی!

حزین بر مزارلغک اورتاسنده مظلوم سرویلرله صاریلی لوش حجره لرک یشیل کوف قوقان دیوارلری آراسنده بیتن بو حقوق، تورکک حقوقی دکدر. بو [تقلیات و روایات حقوقی] بزم حقو قز اولوب قالمشدر. ایشته بوکون حقوق دونم نقطه سنده در. شارعلریز شیمدی عمومی، خصوصی حقو قز تدوین و تشریع ایدرکن بر طرفدن غربک جانلی موضوعات علمیه سنندن مستفید اولورکن بر دقیقه نظرلرندن قاچیر ماملری اقتضا ایدن جهتده تورک ملتک عرف و حرث یا تاغنده عصرلر، عصرلر دیب دیری طوران احتیای روابطیدر.

مدنی قانون تدوین ایدیلیرکن شرق عائله اجتماعیه سنی غربیه بکزمکده معنایه یوقدر: غربیه روحانیلکک، کلیسانک حالا بلجیقاده، فرانسه ده، آلمانیا ده، اسویچره ده چوق تأثیری واردر. احکام شخصیه ده غربیه او یغون کلن اساسات مکتوبه بزه کلز. اونلر داها متنی قومدر. بز ایسه عربک، عجمک دینی تهیجنه هیچ بر زمان طوتولامش، بلکه بو تأثیر قشرنده قالمش بر ملت اولق اعتباریه چوق الهیاتسز بر وارلغک صاحبی بر ملتز وشو صورتله [روابط عائلوی] داها دنیوی باغلرله باغلانمق لازمدر.



اوطلق Zornaro نك آتارندن

سرای حیاتنده فجیع رقابتلر تولید ایله مشدر . خاصکی خرم سلطان، بوقانلی فاجعه لرده اک مهم رول اوینایانلردندر . اودرجه ده که خرم سلطانک جنایتلری اورپالیلرکده نظر دقتلرینی جلب ایدهرک (روقزولان) حقنده پیهسلر بیله یازیلشدر . خاصکیلرک وجاریه لرك سرایده مهم مقدارده تزايد ایتدیکی دور، اوچونجی مراد دوریدر . بو دورک تاریخی یازان وقعه نویسار عثمانلی سراینده برکیجه ده یوزی تجاوز بشیکک صالاندیغنی ، حتی اوچونجی مرادک سرایده کی یوزلرجه جاریه لرده قناعت ایتیه رک « بعض کیمسنه لرك تحت نکاحنه داخل اولنلری دنخی » کتیرتدکلرینی یازارلر . پچوینک روایتیه کوره « حرم محترم لرنده داخل فراش خاصه شهریار ی اولان خاصکیلر کاه قرقدن ناقص کاه زیاده ایدی . جاریه لره او درجه رغبت کوستیردی که ایکیوز آلتونلق جاریه اوچر ددر بیک آلتونه صاتیلور اولدی . صفیه سلطان، وندیکلی بافوه خاصکیلر زمره سندن یتیشه رک تورکیه سیاستنده مهم بر رول اوینایانلردندر . خاصکیلرک نفوذی یالکز سرایه منحصردکلدی .

اولنه ، بوشانمه ، چوجوق امزرمه ، بویومه ، یتشدیرمه کبی نکاح ، طلاق ، رضاع ، حصانه ، ولایت اساسلری عرب وعجم حرث و عرفنک تحکمندن قورتولورکن صرف تورک قالمق لازمدر . بر اسسویچره لینک چوق دیندار و پروتستان ویا قنولیک « احکام شخصییه » سی بزه قطعاً یاراماز و کوردم که کنج ونورلو حقو قیلریمز بونقطه لره چوق دقت ایتشاردر .

یقیلان ، ابدیاً چرکن عرب - عجم دینی ونصوفی تحکمیدر . یوقسه درونی حیات اولان دین دکلدر . کیدن منبعی دینی والهی اولان حقوقدر . یوقسه فردک وجدانی حریتی دکلدر . بونی چوق قوتله قفازمه یرلشدر دکلدر صوکرآ تدوین ایدیلن قانونلریمزده اکسیک کوردیکم نقاطی برر برر ایضاح ایدهرک و قتمز واردر و آرتق کوریشه جکمز ساحه چوق تمیز ، چوق یوکسکلدر . آرتق قارشوسنده کنی الزام ایچون « آیت وحدیت » صایمقده معنا یوقدر . بوراده معیار عقل اولدینی کبی موضوعده تورک ملتیدر واونک رفاه وسعادتتی تأمین ایدهرک اولان حقوقیدر . بوده دیب دیری دنیا ایشیدر . اوراده نه خوجانک « قال » سی واردر ، نه صوفینک « ایواللهی »

مهم صرف

اودالقلر

خاصکیلر و مابریلر

عثمانلی سراینده خاصکیلرک [یعنی اودالقلرک] اوینا دقلری مهم روللر تورکرلرک مقدراتی اوزرنده ده اَلیم تأثیرلر براقشدر . ایمراطورلنک ایلک دورلرنده بو تأثیر اودرجه مهم دکلدی . واقعا سرایده ییزانس و صرب پرنسسلری واردی ؛ فقط بونلر سیاسی ازدواجلر نتیجه سنده سرایه کیرمش اولانلردی که ، نتیجه ده یا تورکیه یه واسع یرلر قازاندرمق و یا خود تورکرلرک ییزانس ایمراطورلنی ایله صربستان اوزرنده کی نفوذلرینی آرتدیرمق کبی فائدهلر تأمین ایدرلردی . حال بوکه قانونی دورندن اعتباراً سرایده جاریه لرك چوغالماسی وبالخاصه خاصکیلرک مقدارینک آرتماسی